

將欲貪之必固張之先開張之欲極其奢淫  
將欲弱之必固強之先強大之欲使過禍害  
將欲廢之必固興之先興之者欲使其驕者  
至先將欲奪之必固與之先與之者欲極其  
貪心是謂微明此四事其道微其效明也亦  
弱勝剛強柔弱者久長剛強者先亡魚不脫  
於淵魚脫於淵謂去剛得柔不可復制也國  
之利器不可以示人利器者謂權道也治國  
權者不可以示執事之臣也治身道者不可  
以示非其人也

### 為政第三十七

道常無為而無不為道以無為為常侯王若  
能守之萬物將自化言侯王而能守道萬物  
將自化效於已也化而欲作吾將鎮之以無  
名之樸吾身也無名之樸道也萬物以化效  
於已也復欲作巧偽者王侯當鎮撫以道德  
無名之樸亦將不欲不欲以靜言王侯鎮撫  
以道德化民亦將不欲故當以清靜道化天  
下將自正能如是者天下將自正定也  
道德真經註卷之二

### 道德真經註卷之三

河上公章句

知三

### 論德第三十八

上德不德上德謂太古無名號之君德大無  
上故言上德也不德者言不以德教民自備  
自然養人性命其德不見故言不德也是以  
有德言其德合於天地和氣游衍民得以全  
也下德不失德下德謂號稱之君德不及上  
德故言下德也不失德者其德可見其功可  
稱也是以無德以有名號及其身故上德無  
為言法道安靜無所改為也而無以為言無  
以名號為也下德為之言為教令施政事也  
而有以為言以為已取名號也上仁為之上  
仁謂行仁之君其仁無上故言上仁也為之  
者為仁思也而無以為功成事立無以執為  
上義為之謂美以斷害也而有以為動作以  
為已教人以為威威下以自來也上禮為之  
謂上禮之君其禮無上故言上禮為之者言  
為禮制度序威儀也而莫之應言禮華威實  
兼威儀煩多動則離道不可得應也則據臂

而仍之言煩多不可應上下怨爭故據臂相  
仍引也故失道而後德言道衰而德化生也  
失德而後仁言德衰而仁愛見也失仁而後  
義言仁衰而義分明失義而後禮言義衰則  
施禮聘行玉帛也夫禮者忠信之薄言禮廢  
本治末忠信日以衰薄也而亂之首禮者賊  
實貴文故正直日以少邪亂日以生前識者  
道之華而愚之始不知而言知為前識此人  
失道之實得道之華人之愚暗之侶始是以  
大丈夫處其厚大丈夫謂得道之君也處其  
厚者謂處身於敦朴也不處其薄不處身違  
道為世煩亂也居其實處忠信也不居其華  
不尚言也故去彼取此去彼華薄取此實厚  
法本第三十九

昔之得一者昔往也一無為道之子也天得  
一以清地得一以寧言天得一故能無象清  
明地得一故能安靜不動搖神得一以靈言  
神得一故能變化無為谷得一以盈言谷得  
一故能盈滿不枯竭也萬物得一以生言萬  
物皆賴道以生成也侯王得一以為天下正

言侯王得一故能為天下平正其致之致或也故下五事也天無以清將恐裂言天當以陰陽施張晝夜更用不可但欲安靜無已時恐發裂不為天也地無以寧將恐發言地當有高下剛柔氣節五行不可但欲安靜無已時恐發泄不為地也神無以靈將恐歇言神當有王相死曰休廢不可但欲靈無已時將恐靈歇不為神也谷無以靈將恐竭言谷當有盈縮虛實不可但欲盈滿無已時將恐竭竭不為谷也萬物無以生將恐滅言萬物當隨時生死不可但欲生無已時將滅亡不為物也侯王無以貴高將恐廢言侯王當屈已以下於人汲汲求賢不可但欲貴高於人將顯屢失其位也故貴必以賤為本言必欲貴貴當以薄為本若為極窮緣奔陶河漢周公下白屋高必以下為基言必欲專責當以下為本蓋猶築牆連功因卑成高下不堅固後必傾危是以侯王自謂曰寡不教寡寡喻孤獨不教喻不能如卑教為來輔所濟也此其以賤為本耶言侯王至專責能以孤寡

自稱言以感為本以曉於人也非乎唯歎之辭故致數車無車歎也言人就車歎之為輻為輪為較為奉無有名車者故成為車以喻王侯不以專號自名故能成其責也不欲碌碌如玉落落如石碌碌喻少落落喻多玉少故責石多故感言人不欲如玉為人所貴如石為人所賤當處其中

去用第四十

反者道之動反本也本者道之所以動動生萬物背之則亡弱者道之用柔弱者道之所常用也故能長久也天下萬物生之於有萬物皆從天地生天地有形位故言生於有生於無天地神明噴飛喘動皆從道生道無形故言生於無也此言本勝於華弱勝於強謙虛勝於盈滿

同異第四十一

上士聞道勤而行之上士聞道自勤苦竭力行之也中士聞道若存若亡中士聞道治身以長存治國以太平依然而存之遇見財色榮譽感於情欲而復亡之矣下士聞道大笑

之下士貪多欲見道垂弱謂之恐懼見道質朴謂之鄙陋故大笑之矣不笑不足以為道不為下士所笑不足以多為道故建言有之建設也設言以有道當如下句也明道若昧明道之人若暗昧無所見知也進道若退

進道若退不及夷道若類夷平也大道之人不自矜列若多比類上德若谷上德之人若深谷不恥於雨也大白若辱大潔白之人若汗辱不自彰顯廣德若不足德行廣大之人若頑愚不足建德若偷建設道德之人若可偷引使空虛也質真若渝質朴之人若五色有滄淺不明大方無隅大方正之人無心無隅大器晚成大器之人若九鼎瑚璉不可卒成大音希聲大音希聲待時而動音希聲氣希言也大象無形大法象之人質朴無形容道隱無名道潛隱伏人無能指名夫唯道善貸且成成就也言道善貸貸人精氣且成就之

道化第四十二

道生一 道始所生者一也 一生二 一生陰與

陽二生三陰陽生和氣清濁三氣分爲天地人也三生萬物天地人共生萬物也天施地化人長養之萬物負陰而抱陽萬物無不背陰而向陽回心而就日者也沖氣以爲和萬物之中皆有元氣得以和柔若胃中有藏骨中有髓草木中有空虛和氣潛通故得長生也人之所惡唯孤寡不穀而王公以爲稱孤寡不穀者不祥之名也而王公以爲稱處謀早法空虛和柔也故物或損之而益引之不得推之必還或益之而損夫增高者致崩貪富貴者致患人之所教謂衆人所教去弱爲強去柔爲剛我亦教之言我衆人去強爲弱去剛爲柔也強梁者不得其死強梁者爲不信玄妙皆無道德不從經教尚勢任力也云不得其死者謂天所絕兵刃所加王法所教不得以壽命死吾將以爲教父父始也老子以強梁之人爲教戒之始也

備用第四十三

天下之至柔馳騁天下之至堅至柔者水至剛者金石水能貫堅入剛無所不通無有入

於無間夫言無有者道也道無形質故能出入無間通於神明濟於羣生也吾是以知無爲之有益吾見道之無爲而萬物自化或也是以知無爲之有益於人不言之教道法不言師之於身無爲之益法道無爲治身則有益於精神治國則有益於萬民不勞頌也天下希及之天下人主也者能有及道之無爲無爲之治治身治國也

立戒第四十四

名與身孰親名遠身必遠也身與貨孰多財多則害身也得與亡孰病好於利則病於行也甚愛必大費甚愛色者費精神也甚愛財者過禍患也所愛者少所亡者多故言大費者也多藏必厚亡生多藏於府庫死多藏於丘墓生有收劫之憂死有掘發之患知足不辱知不足之人絕利去欲不辱於身知止不殆知可止則須止乃財利不累於身心聲色不亂於耳目則終身不危殆可以長久人能知於止足則福祿在於已治身者神不勞治國者民不擾故能長久

洪德第四十五

大成若缺謂道德大成之若若缺者誠名載譽如缺缺不備其用不弊其用心如此則無弊盡之時大盈若沖謂道德大盈滿之若如沖者負不致滿言不致者其用不窮其用心如此則無窮盡時大直若屈大直若修道法度正直如一也如屈者不與俗人爭如何屈折也大巧若拙大巧謂多才術也如拙者亦不敢見其能大辯若訥大辯者智無疑如訥者口無辭躁勝寒勝極也春夏陽氣躁疾於上萬物成大極則寒來則零落散亡也言人不當剛躁也靜勝熱秋爲萬物靜於黃泉之下極則熱者生之源也清靜以爲天下正能清能靜則爲天下之長持正則無終已時也

儉欲第四十六

天下有道謂人主有道御走馬以糞糞者糞也兵甲不用御走馬以治農田也治身者御精神以養其身也天下無道謂人主無道也戎馬生於郊或伐不止戎馬生於郊境之

上久不運罪莫大於可欲好色淫欲禍莫大於不知足富貴不能自知禁止欲莫大於欲得欲得人物利且貪也故知足之足守其操也常足矣爾無有欲心

鑒遠第四十七

不出戶以知天下聖人不出戶以知天下者以己身知人身以己家知人家所以見天下也不窺牖見天道天道與人道同天人相通精氣相貫人君清靜天氣自正人君多欲天氣煩濁吉凶利害皆由於己者也其出彌遠其知彌少謂去其家觀人家去其身觀人身所觀益遠所見益少是以聖人不行而知聖人不上天不入淵能知天下者以心知之也不見而名上好道下好德上好武下好力聖人原小而知大察內而知外也不為而成上好無為則下無事家給人足萬物自化也

忘知第四十八

為學日益謂政教禮樂之學也日益者情欲文飾日以益多為道日損道謂自然之道日損者情欲文飾日以銷損損之又損損之損

情欲也又損之者所以漸去之也以至於無為當恬淡如嬰兒無所造為無為而無不為情欲斷絕德與道合則無所不施無所不為也取天下常以無事取治也治天下當以無事不當勞煩也及其有事不可以取天下及其好有事則政教煩民不安故不足以治天下

任德第四十九

聖人無常心聖人重政更責因循若似無心也以百姓心為心百姓心之所使因而從之善者吾善之百姓為善聖人因而善之不善者吾亦善之百姓雖有不善者聖人化之使善也德善百姓德化聖人為善信者吾信之百姓為信聖人因而信之不信者吾亦信之百姓為不信聖人化之使信也德信百姓德化聖人為信聖人在天下休休聖人在天下休休常恐懼官貴不敢驕奢為天下潭其心言聖人為天下百姓彈其心若愚暗不通百姓皆注其耳目注用也百姓皆用其耳目為聖人視聽也聖人皆孩之聖人愛合百姓

如嬰孩者子長養之而不責望其報

養生第五十

出生入死出生謂情欲出於五內魂定魄靜故生也入死謂情欲入骨髓精神勞散故死也生之徒十有三死之徒十有三言生之類各十有三謂九竅四關也其生也目不妄視耳不妄聽鼻不妄香臭口不妄言味手不妄持足不妄行精不妄施其死及是人之生動之死地十有三人之求生動作反之十有三死地也夫何故問何故動之死地也以其生生之厚也所以動之死地也以其求生太厚速遭忤天矣行於己蓋聞善攝生者攝養也陸行不遇兕虎自然遠避害不干也入軍不被甲兵不好戰以殺人兕無所投其角虎無所措其爪兵無所容其刃養生之人虎兕無由傷兵刃無從加也夫何故聞兕兕兵甲何故不害之以其無死地以其不犯十三之死地言神明普護之兵兕不致害

養德第五十一

道生之道生萬物德畜之德一也一生布氣

而畜養物形之一為萬物故形象也勢成之一為萬物作來者之勢以成之是以萬物莫不尊道而貴德道德所為莫不盡驚動而事敬道之尊德之貴夫莫之命而常自然道一不命召萬物而常自然應之知影響故道生之德畜之長之育之成之熟之養之覆之道生於萬物非但生而已乃復長養成就覆育全其性令人君治國治身亦當如是也生而不有道生萬物不有所不以為利用為而不恃道所施為不恃望其報也長而不宰道長養萬物不宰宰以為利是謂玄德道之所行玄德玄暗不可得見

### 歸元第五十二

天下有始始者道也以為天下母道為天下萬物之母也既知其母復知其子子一也既知道已當復知一既知其子復守其母既知其一當復守道反無為也沒身不殆不危殆也塞其兌兌日也日不妄視閉其門門口也使口不妄言終身不勤人當塞日不妄視閉口不妄言則身不勤苦關其兌關其日視情

欲濟其事濟也盡情欲之事終身不救禍亂成也見小曰明明者未動禍亂未見為小昭然獨見為明守柔曰強守柔弱曰以強大也用其光用其目光於外視時世之利害也復歸其明言復及其光明於內無使精神泄也無遺身殃內視令神不為漏失是謂習常人能行此是謂習修常道

### 益證第五十三

使我介然有知行於大道介大也老子疾時王不行大道故設言使我介然有知於政事我則行於大道躬行無為之化也唯施是長唯獨也獨長有所施為大道意欲賞善傷善生欲性志恐詐志起也大道甚夷夷平易也而民好徑徑邪不中正也大道甚平易而民好從邪徑也朝甚除而臺榭宮室修田甚蕪農事廢不耕治而失時也倉甚虛五穀傷官國無儲也服文彩好偽飾貴外華帶利劔尚剛強武且者厭飲食財貨有餘多者欲無足時也是謂盜誇百姓不足而君有餘者是由劫盜以致服飾誇行誇人不知身死家破親

### 修觀第五十四

成丹隨也盜誇非道也哉君所行如是此非道復言也哉君傷痛之辭  
善建者不拔走立也善以道立身立國者不可得引而拔之善抱者不脫善以道花精神者終不可拔引解脫子孫祭祀不輟為人子孫能修道如是長生不死世世以久祭祀先祖宗廟無絕時修之於身其德乃真修道於身愛氣養神益壽延年其德如是乃為真人也修之於家其德乃餘修道於家父慈子孝兄友弟順夫信妻正其德如是乃有餘慶及於來世子孫也修之於鄉其德乃長修道於鄉尊長若愛養勿少敬侮惡卻其德如是乃無不覆及也修之於國其德乃豐修道於國則君聖臣忠仁義自生禮樂自興政平無修其德如是乃為豐厚也修之於天下其德乃普人主修道於天下不言而化不教而治下之應上知影響其德如是乃可以為普博也故以身觀身以修道之身觀不修道之身孰亡孰存也以家觀家以修道之家觀不修

道之家也以鄉觀鄉以修道之鄉觀不修道之鄉以國觀國以修道之國觀不修道之國以天下觀天下以修道之主觀不修道之主也吾何以知天下之然哉以此老子言我何以知天下修道昌普運亡以此五事觀而知之

玄符第五十五

含德之厚謂含懷道德之厚者比於赤子神明保祐含德之人若父母之於赤子也毒蟲不螫螫毒蛇不螫猛獸不據攫鳥不搏赤子不害於物物不害之故太平之世人無貴賤皆有仁心有利之物還及其本有毒之蟲不傷於人骨弱筋柔而握固赤子筋骨柔弱而持物堅固以其意專而心不移也未知牝牡之合而峻作精之至也赤子未知男女之合會而陰作怒者由精氣多之所致終日號而嗷不嗷和之至赤子從朝至暮啼號聲不變易者和氣多所致也和曰常人能知和氣之柔弱有益於人者則為知道之常也知常曰明人能知道之常行則日以明達於玄

妙益生曰祥祥道也言益生欲自生日以長大也心使氣曰強心當專一和柔而神氣實內故形柔而反使安有所為則和氣去於中故形體日以剛強

玄德第五十六

物壯則老謂之不道萬物壯極則枯老也老則不得道也不道早已不得道者早已死亡知者不言知者貴於行道不貴於言言者不知多言多忌和不及言塞其兌閉其門塞閉之者欲絕其源挫其銳情欲有所觀為者當念道無為以挫止之解其紛紛結恨不休也當念道之淡薄以解釋和其光雖有獨見之明當和之使間昧不使睚亂同其塵不當自殊別也是謂玄同玄天也人能行此上事是謂與天同道故不可得而親不以榮譽為樂同立而末亦不可得而疏志靜無欲與人無怨不可得而利身不欲富貴。不欲五味亦不可得而害不與食爭利不與身爭氣不可得而貴不為亂世主不處閭君位亦不可得而賤不以未推而廢不以失志為屈故為天

下貴其德如此天子不得臣諸侯不得臣與世淳沉家身避害故為天下之貴以正治國以至也天使正身之人使至有國也以奇用兵奇詐也天使詐偽之人使用兵也以無事取天下以無事無為之人使取天下為主吾何以知天下之然哉以此此今也老子言何以知天意然哉以今日所見知之也

淳風第五十七

天下多忌諱而民彌貧天下謂人主也忌諱者防禁也今頃則姦生繁多則下詐相屠故貧民多利器國家滋昏利器者權也民多權則觀者眩於目聽者惑於耳上下不親故國家昏亂人多技巧奇物滋起人謂人若百里諧佞也多招技巧謂則重官觀雖珠韋服奇物滋起下則化上舞金銀五文彌來色日以滋甚也法物滋彰盜賊多有法物好物也珍好之物滋生彰著則農事廢飢寒起至故盜賊多有故聖人云我無為而民自化聖人言我修道承天無所改作而民自化故我好靜而民自正聖人言我好安靜不言不教民皆

自志正也我無事而民自富無德微君之事民安其業故皆自富也我無欲而民自樸我常無欲去華文微服俾民則隨我質樸我無情而民自清至人言我修道真絕去六情而民隨我而清

### 順化第五十八

其政悶悶其政弘大悶悶昧昧似若不明其民醇醇正教弘大故民醇醇富厚相親睦也其政察察其政教疾德言快於口聽決於耳也其民缺缺政教煩疾民不聊生故決決日以疏薄禍兮福之所倚倚日也夫禍因福而生人能遭禍而悔過責己修善行遠則禍去福來福兮禍之所伏禍伏匿於福中人得福而為禍患則福去禍來孰知其極禍福更相孰能知其窮極也其無正無不也謂人君不正其身其無正也正復為奇奇非也人君不正雖正復化下為詐善伏為欲善人皆復化上為欲伴也人之迷其固日久人君迷惑失正以來其日固久是以聖人方而不割聖人行方正者欲以卑下不以割我人廉而不

害至人廉清欲以化民不以傷害人也今則不然正己以害人也直而不肆坤中也至人雖直由己他人不自中也光而不耀至人雖有獨見之明常知暗昧不以耀亂人

### 守道第五十九

治人謂人君欲治理人民事天事用也常用天道順四時莫若畜養愛之治國者當愛民財不為奢奉治身者當愛精氣而不為放逸夫唯畜是謂早服早先也服得也夫獨愛民財愛精氣則能先得天道也早服謂之重積德○先得天道是謂重積德於己也重積德則無不剋剋勝也重積德於己則無不勝無不剋則莫知其極無不剋勝則莫有知己德之窮極莫知其極可以有國莫知己德有極則可以有社稷為民政福有國之母可以長久固身也守道也人能保身中之道使精氣不勞五神不苦則可以長久是謂深根固蒂人能以氣為根以精為蒂如樹根不深則枝葉不堅則落言當深藏其氣固守其精使無漏泄長生久視之道深根固蒂者乃長生久視

之道

道德真經注卷之三